

p. 279 : 1【所有眾生，生我國者】此八字須特別著眼注意。即使是下下品生者，不待花開，所有往生者，皆得佛之願力加持攝受而得種種利益！

p. 279 : -3【漏盡通】「漏」即三界之見思惑。謂斷盡見思惑，不受三界生死而得解脫自在。據《俱舍論》卷 27 所載，第六之漏盡通，唯聖者能得。普瑞《華嚴懸談會玄記》卷 20：「若小乘說。前五通依四禪根本定起。以勢力廣大。能引發神通。未至、中間。慧多而定少。四無色。定多而慧少。若漏盡通。四禪根本、未至、中間、下三無色。皆能引起。皆許有無漏。若大乘說。前之五通與小乘同。若漏盡通。上二界八地總有。以有頂地遊觀無漏不無等。」(X08,p.244,b1-9)《大乘義章》卷 20：「漏盡一通。依於四禪未來中間及三無色。」(T44,p.859,c25)

p. 280 : -4【身通不同】《大乘義章》卷 20：「六通別說身通之中，不同有十：一上下不同。聲聞緣覺依於初禪。所發神通但至初禪。不能至上。以地度故。餘定亦爾。但至自地。不能得過。諸佛菩薩則不如是。依於初禪所發神通至一切地。餘定亦爾。二寬狹不同。…三多小不同。…四大小不同。…五遲速不同。…六虛實不同。…七所作不同。…八所現不同。…九根用不同。…十自在不同。」(T44, p. 860a1-b8)「身通」：又作如意足通、身如意通、如意通、神境智證通、神境智通、神足通。能如己意而飛行無礙及自在轉變境界、化現人等之神通力。據《大智度論》卷五舉出三種如意，即：能到、轉變、聖如意。～《佛光大辭典》

p. 282 : -3【福增】為佛弟子之一。據賢愚經卷四〈出家功德尸利苾提品〉載，釋尊於王舍城迦蘭陀竹園時，城內有位百歲長者名為福增，發心出家。初為舍利弗所拒，以其年老而無法誦經、坐禪、佐理眾事。後得釋尊許可，由目連授具足戒。然福增於眾中常受少年比丘之刺激，益增苦惱，竟欲投水尋死，幸為目連所救，更依目連之神通度化，速得羅漢果。〔菩薩本生鬘論卷四出家功德緣起〕～《佛光大辭典》

p. 286 : 1【能見塵數佛國】此為佛願力加持，不假修得。若論修德，須如天台法華「六根清淨位」（相似即）及圓教初住位（分證即）以上，方能得之。六根清淨，如下所引。《妙法蓮華經》卷 6：「父母所生清淨肉眼，見於三千大千世界內外所有山林河海，下至阿鼻地獄，上至有頂，亦見其中一切眾生及業因緣、果報生處，悉見悉知。……以是清淨耳，聞三千大千世界，下至阿鼻地獄，上至有頂，其中內外種種語言音聲……三千大千世界中一切內外所有諸聲，雖未得天耳，以父母所生清淨常耳，皆悉聞知，如是分別種種音聲而不壞耳根。」(T09, pp. 47c8-48a8)

p. 288 : 5【上知佛心】《妙法蓮華經》卷 6〈法師功德品第十九〉：「若善男子、善女人，如來滅後、受持是經，若讀、若誦、若解說、若書寫，得千二百意功德。以是清淨意根，乃至聞一偈一句，通達無量無邊之義，解是義已，能演說一句一偈至於一月、四月乃至一歲，諸所說法，隨其義趣，皆與實相不相違背。若說俗間經書、治世語言、資生業等，皆順正法。三千大千世界六趣眾生，心之所行、心所動作、心所戲論，皆悉知之。雖未得無漏智慧，而其意根、清淨如此。是人有所思惟、籌量、言說，皆是佛法，無不真實，亦是先佛經中所說。」(T09, p. 50a18-29)

p. 288 : 6【神通自在，波羅蜜多】此為佛菩薩之「聖威力」、「法威力」。《瑜伽師地論》卷 37：「云何諸佛菩薩威力？當知略有三種。一者聖威力。謂佛菩薩得定自在。依定自在，隨其所欲，一切事成。心調柔故，善修心故。是名聖威力。二者法威力。謂諸勝法有廣大果，有大勝利。是名法威力。此中法者。即是六種波羅蜜多。所謂布施乃至般若。如是諸法有大威力。名法威力。三者俱生威力。謂佛菩薩先集廣大福德資糧。證得俱生甚希奇法。是名俱生威力。」(T30, p. 491b14-22)

唐譯《大寶積經》卷 17，第 9 願：「若我成佛，國中有情不獲神通自在波羅蜜多，於一念頃不能超過億那由他百千佛剎者，不取正覺。」(T11, p. 93, c2-4) 宋譯《佛說大乘無量壽莊嚴經》卷 1，第 3 願：「我得菩提成正覺已，十方世界所有眾生，令生我剎，得大神通，經一念中，周遍巡歷百千俱胝那由他佛剎，供養諸佛，深植善本；悉皆令得阿耨多羅三藐三菩提。」(T12, p. 319, b7-10)

【6-11 願，雪廬老人眉註】6-8 願：「昧於因果，方起貪嗔無明我執。」9 願：「知彼知己，方能契機度眾，亦可取作觀摩。」10-11 願：「到彼岸須得佛智。得佛智須侍多佛，自必先得神足，方易作到。」

《釋淨土群疑論》卷 6：「問曰：如舍利弗、大目連等。所得五通不越三千大千世界。如何生彼凡夫。即能下至見聞神通等。超過百千萬億諸佛世界？以此准知。往生淨土者。皆是大根大行菩薩往生。非是凡夫所能生也。」

釋曰。此義不定。不可以穢土聖人所得五通勝於淨土凡夫類也。只如北鬱單越定報千年。何妨非想非非想天壽命八萬劫得有中天之者。豈以天業報長。不許有中天之壽。淨土亦爾。雖是凡夫以受生業勝。或淨土報強。乘佛本願。或託聖威靈。或資生緣好。或獲大乘妙定。緣此得通勝此方聖。何所怪也。又五趣中陰將求受生。所得業通超二乘修得神通。何妨淨土眾生得通勝於此聖也。故經說言。聲聞獨覺無漏善根。不如初心始業菩薩有漏善根。」(T47, p. 64b7-22)